



Broj: 04-11-3-6789-2/2023
Hadžići, 07.08.2023. godine

Na osnovu člana 5. Pravilnika o utvrđivanju uslova, kriterija i postupaka za ostvarivanje prava za subvencioniranje i dodjelu steonih junica u sklopu realizacije projekta „Ekonomsko osnaživanje socijalno i materijalno ugroženih osoba kroz bavljenje stočarstvom“ i na osnovu Sporazuma zaključenog između Općine Hadžići i humanitarne organizacije „MUSLIM AID ASSOCIATION“ Sarajevo kojim su osigurana sredstva 80% i vlastitog učešća korisnika 20% u cilju osnaživanja korisnika na području Općine Hadžići, broj: 04-11-3-6789-1/2023 od 14.07.2023. godine Općina Hadžići raspisuje:

JAVNI POZIV za podnošenje zahtjeva za dodjelu steonih junica

Općina Hadžići u saradnji sa nevladinom organizacijom Muslim Aid Association raspisuje Javni poziv za podnošenje zahtjeva za dodjelu 20 steonih junica. Sredstva za realizaciju projekta osigurana su od strane nevladine organizacije Muslim Aid Association 30%, Općine Hadžići 50% i vlastitog učešća korisnika 20%, u cilju nabavke i dodjele steonih junica na području općine Hadžići.

I PRAVO UČEŠĆA

Pravo na učešće u Projektu za dodjelu steonih junica imaju fizička lica koja imaju prebivalište na području općine Hadžići, posjeduju poljoprivredno zemljište u površini od 5 duluma ili zemljište uzeto u zakup najmanje na 5 godina i adekvatan štalski objekat lociran u blizini stambenog objekta u kojem isti stanuje i ispunjavaju uslove propisane Pravilnikom i ovim Javnim pozivom, a posebno prioritete kategorije stanovništva - nezaposlene osobe.

Pravo na dodjelu junica nemaju lica koja su u dobila donaciju junice od Općine, nadležnih ministarstava, humanitarnih i drugih organizacija u zadnje tri godine. Pravo učešća nemaju lica koja imaju više od dva grla/krave/junice. Pravo učešća nemaju članovi porodice (po pravoj liniji) zaposlenika Muslim Aid Association i Općine Hadžići.

II USLOVI

Podnosioc zahtjeva treba da ispunjava slijedeće opće i posebne uslove:

OPĆI USLOVI:

- Da ima mjesto prebivališta na području općine Hadžići;
- Da je nosilac ili član poljoprivrednog gazdinstva upisan u Registar poljoprivrednih gazdinstava i Registar klijenata FBiH ili izjavi da će u 2023. godini izvršiti upis u Registre;

- Da posjeduje vlastito poljoprivredno zemljište ili zemljište uzeto u zakup u površini od minimalno 5 (pet) dunuma;
- Da posjeduje vlastiti štalski objekat adekvatan za smještaj grla ili uzet u zakup u mjestu prebivališta i/ili u neposrednoj blizini mjesta stanovanja;
- Da će dobivenu junicu zadržati u vlasništvu najmanje 3 godine od potpisivanja Ugovora;
- Da će sufinansirati 20% od nabavne cijene steone junice (oko 982,80 KM).

POSEBNI USLOVI:

- broj članova zajedničkog domaćinstva,
- broj nezaposlenih punoljetnih članova zajedničkog domaćinstva,
- broj izdržavanih članova zajedničkog domaćinstva,
- period proveden na Birou za zapošljavanje - podnosioca zahtjeva,
- samohrani roditelj – podnosioc zahtjeva,
- podnosioc zahtjeva - osobe životne starosti do 40 godina,
- štalski objekat (zoo higijenski i zootehnički uslovi u štali, brojčano stanje),
- socijalni aspekt (stanje na terenu, imovno stanje, opći dojam i sl.)

III KRITERIJI ZA DODJELU STEONIH JUNICA

1. broj članova zajedničkog domaćinstva;
2. podnosilac zahtjeva nezaposlen (vrijeme provedeno na birou za zapošljavanje);
3. izdržavani članovi zajedničkog domaćinstva (nezaposlene osobe koje se ne nalaze na evidenciji Službe za zapošljavanje Kantona Sarajevo, djeca, učenici i sl.);
4. podnosilac zahtjeva samohrani roditelj i/ili podnosilac zahtjeva osoba životne starosti do 40 godina;
5. pogodnost smještajnog kapaciteta štalskog objekta;
6. a) socijalni aspekt – iznos primanja po članu domaćinstva,
 b) podnosilac zahtjeva ili uži član domaćinstva (dijete ili bračni drug) osoba sa invaliditetom (prilikom bodovanja status RVI se ne uzima u razmatranje),
 c) stanje na terenu i opći dojam (utvrđuje komisija za dodjelu junica izlaskom na teren).

Ukoliko komisija na terenu ustanovi da aplikant ne posjeduje štalski objekat ili da je štalski objekat neuslovan za držanje stoke, aplikant će biti diskvalifikovan iz dalje procedure odabira.

Kada kandidati pri bodovanju imaju isti broj bodova, prednost će imati kandidati koji imaju manji prosjek primanja, osobe mlađe od 35 godina, višečlane porodice i porodice sa većim brojem nezaposlenih u porodici.

IV POTREBNA DOKUMENTACIJA

Podnosioci zahtjeva trebaju priložiti sljedeću dokumentaciju, redosljedom kako je navedeno:

1. **Obrazac za prijavu na Javni poziv za dodjelu steonih junica (info pult ili web stranica Općine Hadžići);**
2. **Dokaz o mjestu prebivališta (CIPS-ova prijava ne starija od tri mjeseca);**
3. Ovjerena kopija lične karte podnosioca zahtjeva;
4. Ovjerena kućna lista (šalter sala Općine Hadžići);
5. **Ako podnositelj zahtjeva nije upisan u Registar poljoprivrednih gazdinstava i Registar klijenata FBiH (RPG i RK), potrebno je dati Izjavu da će ako ostvari pravo na dodjelu junice u toku 2023. godine izvršiti upis u Registre;**
6. Dokaz o nezaposlenosti kandidata izdat od Biroa za zapošljavanje ili potvrda da osoba nije poreski obveznik;
7. Dokaz o nezaposlenosti svih punoljetnih članova porodice izdat od Biroa za zapošljavanje;
8. Potvrde iz škole/fakulteta za djecu/izdržavane članove domaćinstva;
9. Dokaz o visini primanja svih članova domaćinstva navedenih na kućnoj listi (za zaposlene – Uvjerenje/Potvrda izdata od strane poslodavca, za penzionere - kopija posljednjeg čeka od penzije ili potvrda izdata od strane banke preko koje prima penziju);
10. **Vlasništvo nad parcelom (kopija ZK izvodka ili Posjedovnog lista) ili ovjeren Ugovor o zakupu poljoprivrednog zemljišta sa kopijom ZK izvodka ili Posjedovnog lista, u površini od minimalno 5 (pet) dunuma;**
11. **Ovjeren izjava da posjeduje štalski objekat u svom vlasništvu ili uzet pod zakup u mjestu prebivališta i/ili u neposrednoj blizini mjesta stanovanja, te da će korisnik podsticaja dobijeno grlo u vlastitom uzgoju zadržati najmanje 3 godine od dana potpisivanja Ugovora, u protivnom snositi će sve troškove nabavke grla, kao i da će sufinansirati 20% od nabavne cijene steone junice (oko 982,80 KM);**
12. Dokaz da je podnositelj zahtjeva ili uži član domaćinstva (dijete ili bračni drug) osoba sa invaliditetom (prilikom bodovanja status RVI se ne uzima u razmatranje);
13. Dokaz da je samohrani roditelj (Smrtni list supružnika).

Dokumentacija pod rednim brojevima 1., 2., 5., 10., i 11. je obavezna, ostala dokumentacija služi u svrhu dodatnog bodovanja.

V PROCEDURA ODABIRA KORISNIKA

Proceduru vrednovanja i utvrđivanja rang liste, izvršiće Komisija na osnovu Pravilnika o utvrđivanju uslova, kriterija i postupaka za ostvarivanje prava za subvencioniranje i dodjelu steonih junica u sklopu realizacije projekta „Ekonomsko osnaživanje socijalno i materijalno ugroženih osoba kroz bavljenje stočarstvom“, koju imenuje Općinski načelnik.

NAPOMENA:

Obrazac zahtjeva i izjave se mogu preuzeti na web stranici Općine Hadžići ili na info-pultu Općine Hadžići i zajedno sa dokumentacijom predati u zatvorenoj koverti na protokol Općine Hadžići sa naznakom „Za javni poziv za dodjelu steonih junica“.

Sve dodatne informacije mogu se dobiti u Službi za privredu, finansije i inspeksijski nadzor općine Hadžići II sprat soba broj 204 ili na broj telefona 033/475-948 svakim radnim danom od 08:00-16:00 sati.

Nepotpune i neblagovremene prijave se neće uzeti u razmatranje.

Javni poziv ostaje otvoren 15 (petnaest) dana od dana objavljivanja, odnosno do 22.08.2023. godine do 16,00 sati.

Dostavljeno:

1. Kabinet načelnika - web stranica: www.hadzici.ba;
2. Muslim Aid Association;
3. Oglasna ploča Općine Hadžići;
4. Sekretari MZ x 3;
5. Arhiva.

